



22122823



International Baccalaureate®
Baccalauréat International
Bachillerato Internacional

MALAY *AB INITIO* – STANDARD LEVEL – PAPER 1
MALAIS *AB INITIO* – NIVEAU MOYEN – ÉPREUVE 1
MALAYO *AB INITIO* – NIVEL MEDIO – PRUEBA 1

Monday 14 May 2012 (afternoon)
Lundi 14 mai 2012 (après-midi)
Lunes 14 de mayo de 2012 (tarde)

1 h 30 m

TEXT BOOKLET – INSTRUCTIONS TO CANDIDATES

- Do not open this booklet until instructed to do so.
- This booklet contains all of the texts required for Paper 1.
- Answer the questions in the Question and Answer Booklet provided.

LIVRET DE TEXTES – INSTRUCTIONS DESTINÉES AUX CANDIDATS

- N'ouvrez pas ce livret avant d'y être autorisé(e).
- Ce livret contient tous les textes nécessaires à l'Épreuve 1.
- Répondez à toutes les questions dans le livret de questions et réponses fourni.

CUADERNO DE TEXTOS – INSTRUCCIONES PARA LOS ALUMNOS

- No abra este cuaderno hasta que se lo autoricen.
- Este cuaderno contiene todos los textos para la Prueba 1.
- Conteste todas las preguntas en el cuaderno de preguntas y respuestas.

TEKS A

HARI RAYA

	<p>Di rumah Fifi...</p> <p>Fifi: Selamat Hari Raya, datuk. Selamat Hari Raya, nenek. Maaf zahir batin.</p> <p>Tok Ali: Selamat Hari Raya, Fifi. Ya, datuk maafkan Fifi zahir dan batin.</p> <p>Fifi: Terima kasih, datuk. Datuk, nenek, mana duit raya Fifi?</p>
5	<p>Nenek Tijah: Hah, Fifi, ini duit raya Fifi daripada nenek. Guna duit ini baik-baik, ya!</p> <p>Fifi: Wah... lima puluh ringgit. Fifi sayang nenek. Terima kasih nenek!</p> <p>Tok Ali: Hah, Fifi. Ini pula duit raya Fifi daripada datuk. Simpan duit ini dalam tabung!</p> <p>Fifi: Wah... seratus ringgit! Fifi kaya, Fifi kaya! Terima kasih, datuk! Mak, Fifi nak ke rumah kawan Fifi, Laila, boleh tak?</p>
10	<p>Puan Zara: Baiklah, Fifi. Berhati-hati bila berjalan! Jangan nakal-nakal di rumah kawan.</p> <p>Fifi: Baik, mak. Fifi akan ingat nasihat mak.</p>
	<div data-bbox="284 907 545 1108"> </div> <div data-bbox="699 952 853 1108"> </div> <div data-bbox="997 862 1412 1153"> </div>
	<p>Di rumah Laila...</p> <p>Fifi: Selamat Hari Raya, Laila. Saya datang nak beraya.</p> <p>Laila: Fifi, terima kasih kerana sudi datang ke rumah saya. Selamat Hari Raya. Jemput masuk.</p> <p>Fifi: Eh, kawan-kawan kita Ah Moi, Ramasamy, Ah Chong, Ahmad dan Sarina pun ada.</p>
15	<p>Nenek Laila: Jangan malu-malu. Jemput makan.</p> <p>Fifi: Wah, Laila. Banyaknya kuih raya. Lemang dan ketupat pun ada. Saya memang suka makan lemang dan ketupat. Tadi di rumah, saya makan dua pinggan...</p>
20	<p>hah, hah, hah!</p> <p>Tok Laila: Itu... nenek Laila yang masak. Jemput makan, ya.</p> <p>Fifi: Nenek, nenek, ketupat dan lemang ini sangat sedap. Nenek memang pandai memasak!</p>
	<p>Nenek Laila: Terima kasih. Ya, sila makan, sila makan semua. Jangan malu-malu.</p>

Disesuaikan daripada *Dewan Pelajar*, Oktober 2008

TEKS B

SURAT KEPADA SAHABAT



*No. 15, Jalan Orkid 6,
Taman Orkid, 33000,
Kuala Kangsar,
Perak Darul Ridzuan.*

23 Mac 2011.

Menemui Elizabeth Edward yang berada di Kuala Lumpur, Malaysia, semoga berada dalam keadaan sihat sejahtera di samping keluarga tercinta.

Sahabatku,

5 *Apa khabar? Saya berharap kamu dan keluarga sihat di sana. Saya di sini juga dalam keadaan sihat sejahtera. Saya menulis surat ini untuk bertanya khabar tentang diri Elizabeth kerana sudah lama kita tidak berutus surat. Maklumlah kita masing-masing terlalu sibuk sekarang.*

10 *Bagaimana persiapan kamu untuk peperiksaan akhir tahun tidak lama lagi? Saya tahu kamu akan belajar dengan bersungguh-sungguh dan bersedia dengan baik untuk menduduki peperiksaan ini. Kamu sememangnya seorang pelajar yang rajin dan pandai. Guru-guru dan kawan-kawan sekolah selalu memuji kamu kerana mereka berpendapat kamu pandai, bersopan-santun, bersikap merendah diri dan peramah. Saya bangga mendapat seorang kawan yang baik seperti kamu!*

15 *Saya di sini juga sibuk mengulangkaji untuk menghadapi ujian bulanan. Saya lebih banyak menumpukan perhatian kepada bahasa Inggeris kerana saya lemah dalam matapelajaran ini. Saya cemburu benar dengan kamu, Elizabeth. Kamu pandai bahasa Inggeris dan boleh bertutur dalam bahasa Inggeris dengan fasih. Saya pun mahu bercakap bahasa Inggeris seperti kamu suatu hari nanti.*
20 *Elizabeth, kalau kamu tidak ada apa-apa rancangan untuk cuti sekolah yang panjang pada bulan Disember, datanglah bercuti ke rumah saya. Pasti seronok kita bercuti bersama!*

25 *Sampai di sini sahaja surat saya kali ini. Kita berjumpa lagi dalam lembaran yang lain. Jangan lupa balas surat ini, ya! Sampaikan salam hormat saya kepada keluarga kamu. Sekian, terima kasih.*

Sahabatmu,

Najwa

Disesuaikan daripada *Dewan Pelajar*, April 2006

TEKS C

DOKTOR ZUL		
	❶	Zul datang dari keluarga yang miskin. Bapanya seorang nelayan. Setiap hari bapanya menaiki bot pergi ke laut untuk menangkap ikan. Ikan yang ditangkap akan dibawa ke pantai dan dijual. Bapa Zul menyara keluarganya dengan wang hasil jualan ikan itu sahaja.
5	❷	Walau bagaimanapun, dahulu Zul tidak pernah menolong bapanya. Dia seorang budak yang sangat malas. Zul selalu menghabiskan masanya dengan bermain. Dia juga tidak membuat kerja sekolahnya atau mengulangkaji pelajarannya di rumah.
10	❸	Tiba-tiba, pada suatu hari, bapa Zul jatuh sakit. Zul berumur 15 tahun dan sudah menjadi remaja. Bapanya mengidap penyakit kanser. Dia berhenti kerja. Ibu Zul terpaksa bekerja untuk menyara mereka sekeluarga. Pagi-pagi lagi, dia akan keluar ke tempat kerja dan pulang pada waktu lewat petang. Ibunya bekerja sebagai pembantu rumah di bandar. Pendapatan ibu Zul tidak cukup untuk menampung perbelanjaan keluarga mereka iaitu ibu dan bapa Zul serta lima orang anak mereka termasuk Zul.
15	❹	Zul hampir-hampir berhenti sekolah. Akan tetapi, atas nasihat Cikgu Faizah, Zul meneruskan pelajarannya. Pada waktu pagi, dia menolong ibunya membuat nasi lemak. Kemudian, dia akan menghantar nasi lemak itu ke kedai kopi Pak Ali di kampungnya sebelum pergi ke sekolah. Pak Ali berkata nasi lemak yang dibuat oleh ibu Zul sangat sedap dan habis dijual dengan cepat. Dia meminta Zul menyediakan lebih banyak bungkusan nasi lemak untuk kedainya. Zul mendapat wang poket yang banyak daripada jualan nasi lemak. Dia menggunakan sedikit daripada wang tersebut untuk menyambung persekolahannya dan memberikan duit lebih kepada ibunya.
20	❺	Ibu dan bapa Zul sangat gembira melihat sikap Zul sekarang. Zul sudah banyak berubah. Dia tidak malas seperti dahulu lagi. Dia rajin bangun pagi dan menolong ibunya membuat nasi lemak. Dia juga rajin belajar dan mengulangkaji pelajarannya. Zul juga selalu menolong adik-adiknya dalam pelajaran mereka.
25	❻	Zul belajar dengan penuh tumpuan di dalam kelas. Dia mendapat keputusan yang sangat baik dalam peperiksaan Tingkatan Enam baru-baru ini. Dia mendapat biasiswa untuk melanjutkan pelajarannya ke universiti dalam bidang perubatan. Kini, Zul sudah tamat pengajian perubatannya di universiti. Dia bergelar Doktor Zul. Dia menjaga ibu, bapa dan adik-adiknya dengan baik. Keluarganya tidak miskin dan tidak susah lagi.

Disesuaikan daripada *Dewan Pelajar*, April 2008


TEKS D

HUTAN LIPUR LATA BELATAN



Orang yang ingin menikmati keindahan dan kehijauan hutan semula jadi bolehlah berkunjung ke hutan lipur. Satu antara hutan lipur yang terkenal di Malaysia ialah Hutan Lipur Lata Belatan. Hutan seluas 20 hektar persegi ini terletak dekat bandar Jerreh. Bandar Jerreh terletak 103 kolimeter jauh dari bandar Kuala Terengganu, Terengganu. Hutan ini terletak jauh daripada kesibukan kota. Jadi, para pengunjung bolehlah datang untuk berehat-rehat sambil menenangkan fikiran semasa berkunjung di sini. Keadaan di dalam hutan ini begitu nyaman dan segar.

Bagi orang yang suka menikmati keindahan alam, di dalam hutan ini terdapat pelbagai jenis flora dan fauna yang jarang dapat dilihat di dalam hutan-hutan yang lain. Setelah letih berjalan-jalan menjelajah hutan, para pengunjung bolehlah mandi di air terjun yang sejuk dan segar. Hutan lipur ini juga sesuai untuk pelbagai aktiviti lasak seperti berkhemah dan berkelah. Selain daripada menjelajah hutan, ramai juga pelancong yang datang ke hutan lipur ini untuk mendaki gunung. Gunung Tebu yang 1097 meter tinggi mengambil masa kira-kira 5 jam untuk sampai ke atas, di puncak gunungnya. Walaupun penat, para pengunjung akan berasa puas kerana pemandangan di sekeliling dari atas gunung tersebut sungguh cantik dan menghijau.



Hutan lipur ini penuh dengan pelbagai jenis pokok. Setiap pokok tersebut telah diletakkan label yang menunjukkan nama dan jenis pokok tersebut. Jadi, para pengunjung juga boleh mengenali pokok-pokok hutan lipur semasa menjelajah hutan tersebut. Untuk kemudahan para pengunjung, disediakan juga sebuah jambatan gantung untuk melintas sungai yang mengalir di tengah-tengah hutan tersebut. Selamat berkunjung ke Hutan Lipur Lata Belatan!

Disesuaikan daripada *Dewan Pelajar*, Disember 2004